

近代中國史料叢刊三編

第七十輯

欽定大清會典事例（嘉慶朝）

文海出版社有限公司印行

近代中國史料叢刊三編
第七十輯

欽定大清會典事例（嘉慶朝）

托津等奉敕纂

卷八百七十一至八百八十四

前鋒統領
統領
健銳營
火器營
護軍統領
圓明園護軍
營
嚮導處
虎槍營

文海出版社有限公司印行

欽定大清會典事例卷八百七十一

前鋒統領

建置

設官

兵制

俸餉優卹

軍政

侍班

署理統

設官○天命十一年議定八旗總管佐管大臣

外每旗各設調遣大臣二

後為駐防及噶布
什賢超哈諸職

○

天聰八年定巴牙喇前哨兵稱為噶布什賢超

哈○順治元年定噶布什賢超哈滿洲蒙古八

旗分左右兩翼每翼各設噶布什賢噶喇依昂

邦一人率章京侍衛壯達等及所轄兵備警蹕

宿衛○十七年定噶布什賢噶喇依昂邦漢字

稱爲前鋒統領。噶布什賢章京。漢字稱爲前鋒
參領。噶布什賢壯達。漢字稱爲前鋒校。○康熙
年間定。前鋒參領員缺。於護軍參領。驍騎參領。
前鋒侍衛。一二三等侍衛。護衛。子以下。佐領。騎
都尉以上。等官內。選擬正陪題補。前鋒侍衛員
缺。於雲騎尉。三等侍衛。護衛。前鋒校。護軍校內。
選擬正陪題補。前鋒校員缺。於前鋒內。選擬正
陪題補。○十年題准。都統。前鋒統領。護軍統領。
隨身筆帖式員缺。除永不敘用之人外。俱坐名
咨補。○三十三年。鑄給前鋒統領印信。○五十

三年改鑄左右兩翼前鋒統領護軍統領印二顆。○雍正元年

諭上三旗前鋒侍衛俱戴孔雀翎。下五旗前鋒侍衛俱戴藍翎。嗣後俱著戴孔雀翎。○又覆准前鋒營左右翼統領各設隨印筆帖式二人。○又

諭八旗現在軍前。與派在圓明園及長槍營之前鋒校護軍校等員缺。著於護軍前鋒內甄別。交派出之王大臣等驗看帶領引見。按員缺委署。令其帶翎仍食錢糧。遇有前鋒校護軍校缺出。卽將伊等補用。○三年

諭各處俱有隨從辦事之人。前鋒統領處。派前鋒叅領一員。前鋒侍衛一員。前鋒校二員。隨前鋒統領辦事。若大臣等有因辦事錯誤處分者。將伊等一同處分。欽此。遵

旨議定。前鋒營左右翼各設協理事務前鋒叅領一人。前鋒侍衛一人。隨印前鋒校二人。其協理事務之前鋒叅領侍衛。由該翼統領於本翼四旗前鋒叅領侍衛內選擬正陪引。

見補授。其隨印之前鋒校。卽於本翼前鋒內選委。如行走好辦事勤者薦舉。庸劣怠忽者叅劾。○又

奏准。三旗前鋒侍衛員缺。於侍衛副護軍叅領前鋒校內遴選。五旗前鋒侍衛員缺。於護衛副護軍叅領前鋒校內遴選。各選擬五六人引見補授。○又奏准。前鋒校員缺。於本旗前鋒內遴選年久行走好者四五人引見補授。○又

諭。嗣後前鋒統領護軍統領等俱令穿黃馬褂。○四年復鑄給前鋒統領印二顆。○八年設立前鋒統領衙署左右翼各一。○乾隆元年奏准。前鋒侍衛照入旗副叅領之例授爲四品。○又奏准。嗣

後前鋒參領員缺宗室將軍侍衛三旗侍衛護
軍參領前鋒侍衛並准列名。○六年議准前鋒
參領員缺由該翼統領於本旗護軍參領一二
等侍衛宗室將軍一二等侍衛前鋒侍衛內遴
選六七人引

見補授。○又奏准前鋒侍衛員缺內該翼統領於本
旗二二三等侍衛護衛副護軍參領前鋒校內遴
選五六人以委署前鋒參領一人列於前引

見補授。○又議准前鋒校員缺以本旗烏鎗什長隊
長開列若缺多人少於本旗前鋒內每缺遴選

四五人均由該翼統領引

見補授前鋒烏鎗什長缺於本旗烏鎗隊長內選補
烏鎗隊長缺於本旗前鋒內選補○十七年奏
准每旗增設委署前鋒叅領各一人戴五品頂
孔雀翎仍食前鋒校餉○三十四年奏准凡

特旨對品改補之前鋒叅領若本處無缺不論兩翼
前鋒營八旗護軍營遇有叅領員缺奏請暫行
補用俟本旗前鋒叅領缺出奏補將所遺員缺
另行揀選引

見補授。

兵制。○原定八旗滿洲蒙古每佐領下設前鋒二人。○康熙年間定前鋒缺由該統領會同護軍統領於親軍護軍及正身馬甲執事人閒散正身壯丁內遴選充補。○雍正二年定養育兵亦准選拔前鋒。○十一年

諭據領侍衛內大臣等奏稱親軍係龍驤宿衛不應遠補前鋒。朕思親軍雖係龍驤宿衛然前鋒尤爲緊要親軍皆由佐領下視其材技選充者嗣後未滿十年之親軍准其調補前鋒已滿十年者毋得調補著爲例。○乾隆二十四年奏准八旗挑補前鋒等缺應在

兩翼射箭教場。或在三旗侍衛教場。都統副都統等每月公定日期商同挑取。係何日何地挑取之處。皆報名查旗御史。若逾定期。或王大臣等有專就近便而勞衆者。該御史卽行指參。○二十八年覆准。嗣後前鋒缺出。行文各營各旗咨取。應挑之親軍護軍馬甲閒散人等。會同護軍統領考校。擇其步射騎射俱善者挑補。不准指名咨取。如所送者平常。該翼統領駁回。再行咨取。儻該旗等留其優者不送。統領據實陳奏。請

旨特派大臣會同將應送之人普行傳到選視。如果有中選而隱匿不送者。卽將該管之員叅處軍政。○原定前鋒叅領以下前鋒校以上。由本翼統領分別保薦去留三等註考聽

欽命王大臣考驗。○乾隆二十九年奉

旨。嗣後遇有軍政之年保薦人員。著領侍衛內大臣會同前鋒統領護軍統領揀選保薦。

侍班。○原定前鋒護軍兩營同值一日。每次合選叅領侍衛等官十人。各註考語引

見記名者咨兵部註冊。○雍正十年

旨前鋒統領護軍統領遇有出差其印信向係另翼前鋒統領次旗護軍統領署理但如此署理旗下章京等豫知署理之人諸事不無專徇情意嗣後前鋒統領護軍統領出差其印信無庸令另翼前鋒統領次旗護軍統領署理兵部仍照舊例將前鋒統領護軍統領都統副都統職名進呈候朕簡派。

俸餉優卹。○原定官員親隨兵養廉支借俸銀官軍優卹均與入旗驍騎營同。○康熙十一年題准前鋒統領從役六名馬八匹。○雍正元年

諭都統前鋒統領護軍統領副都統內頗有家計艱窘

之人。頃者外省副都統等。既已酌給親丁坐糧。將如何酌給伊等坐糧之處。著總理事務王大臣等會同兵部議奏。欽此。遵

旨。議定。前鋒統領親丁五名。其所得銀米原與馬甲相等。旋因減爲每月給銀一兩。米石隨之。嗣後除照舊每月給銀三兩外。每歲仍給米十二石。每石折銀一兩。○三年

諭。大臣等已經增給親丁。其前鋒叅領護軍叅領副護軍叅領等職。行走之處既多。看守又關緊要。著八旗大臣等將前鋒叅領護軍叅領副護軍叅領等如何

加恩給與親丁錢糧之處。公同會議具奏。欽此。遵

旨議奏。每旗前鋒叅領二員。前鋒侍衛二員。護軍叅領十六員。副護軍叅領十四員。其前鋒叅領護軍叅領俱有食一兩錢糧之親丁一名。今增給錢糧二兩。米折銀一兩。至前鋒侍衛副護軍叅領向無親丁。亦給與親丁一名。每月食錢糧一兩。米折銀一兩。奉

旨。前鋒侍衛亦照依叅領給與。餘依議。○五年

諭。朕思旗下大臣及有職掌之官員亦宜量給養廉銀兩。著動用兩浙鹽課餘銀一萬兩。分給兩翼前鋒統

領護軍統領前鋒叅領護軍叅領前鋒侍衛等○八年

諭。從前八旗副驍騎校副護軍校等俱合穿補服戴頂戴翎。每月增賞錢糧一兩。今前鋒營之前鋒長鳥鎗長。既皆穿補服戴頂戴翎。亦著增賞一兩錢糧。○乾隆二十八年議准。前鋒操演官馬置辦鞍轡等項。除每匹馬按月給銀三兩外。各加銀一兩。於年終賞項內每月撥銀一千兩備辦。○三十年定。於直隸官馬內分給前鋒叅領護軍叅領等每員派撥一匹。又馬三百匹。交前鋒統領護軍